



Nr. 238

## **Aningaasat isumaginninnermi tunniunneqartartut 1. juli 1999-imi atuuttut pillugit kaajallaasitaq.**

### **Pisortanit annertussusileriikkanik ikiorsiissutit.**

§ 1. Pisortanit annertussusileriikkanik ikiorsiissutit pillugit Inatsisartut peqqussutaat nr. 11, 1. november 1982-imeersoq, kingorna allannguuteqartinneqartarsimasoq, malillugu akit uku atuupput 1. juli 1999 aallarnerfigalugu:

§ 14, imm. 1 malillugu nal. akunneranut:	34,51 kr.
§ 14, imm. 2. malillugu nal. akunneranut.:	41,41 kr.

### **Erninermi ullormusiat.**

§ 2. Naartunermi, erninermi meeravissartaarnermilu sulinngiffeqartarneq il.il. ullormusiaqartarnerlu pillugit Inatsisartut peqqussutaanni nr. 12-imi 31. oktober 1996-imeersumi § 21, imm. 1 malillugu akit uku atuupput 1. april 1999 aallarnerfigalugu:

Nal. akunneranut:	61,40 kr.
-------------------	-----------

### **Meeqqanut akilersuutit il.il.**

§ 3. Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaanni nr. 2-mi, 3. marts 1994-imeersumi, kingorna allannguuteqartinneqartarsimasumi, § 5 malillugu aningaasat tunniunneqartartut uku atuupput:

#### **Nalinginnaasumik akiliut**

meeqqamut ataatsimut, ukiumut	9.096 kr.
meeqqamut ataatsimut, ukiup affaanut	4.548 kr.

Meeqqap inuunera qaammatinik marlunnik	
sioqqullugu qaammammillu ataatsimik	
kingoqqullugu anaanaasumut akiliut, qaammammut	605 kr.
Erninermit atatillugu akiliut	573 kr.
Kuisitsinermit tapiissut	763 kr.
Apersortitsinermit tapiissut	3.033 kr.

**Isumaginnikkut pensionit pillugit Inatsisartut peqqussutaat tunngavigalugu meeqqanut tapit.**

§ 4. Pisortanit pensionisiat pillugit Inatsisartut peqqussutaanni nr. 10-mi 30. oktober 1998-imeersumi § 20 malillugu kiisalu § 21 imm. 3 Naartunermi, erninermit meeravissiarternermilu sulinnigiffeqartarneq il.il. ullormusiaqartarnerlu pillugit Inatsisartut peqqussutaat nr. 12, 31. oktober 1996-imeersooq, aningaasat tunniunneqartartut uku atuutissapput:

Meeqqamut ataatsimut tapiut, qaammammut ataatsimut 758 kr.

**Meeqqanut tapisiat**

§ 5. Meeqqanut tapisiat pillugit Inatsisartut peqqussutaanni nr. 11-mi 31. oktober 1996-imeersumi § 3 malillugu 1999-imut Aningaasanut inatsimmi tapisiatut uku aalajangersarneqarput:

Isertitat akileraarusigassat:	1999 tamaat meeqqat tapisiaasa annertussusaat:
0 -130.000 kr.	4.860 kr. (1.215 kr. kvartalimut)
130.001 -180.000 kr.	3.240 kr. ( 810 kr. -"---" - )
180.001 -280.000 kr.	1.620 kr. ( 405 kr. -"---" - )
280.001 taakkulu sinnerlugit	0

**Siunnersortigisamut akissaatit.**

§ 6. Meeqqanik inuusuttunillu ikiorsiisarneq pillugu Inatsisartut peqqussutaanni nr. 9-mi, 30. oktober 1992-imeersumi § 11, imm. 4 aammalu Meeqqanik inuusuttunillu ikiorsiisarneq pillugu Namminersornerullutik Oqartussat nalunaarutaanni nr. 2-mi 18. januar 1993-imeersumi § 6 malillugit, akit uku aalajangersarneqarput:

Nalinginnaasumik paaqqinninersiutit 15%-ii, qaammammut 495 kr.

Akissarsiat 50 imaluunniit 100%-imik qaffanneqarsinnaapput, nalunaarummi § 6, imm. 2 naapertorlugu.

**Paaqqinninersiutit.**

§ 7. Meeqqanik inuusuttunillu ikiorsiisarneq pillugu Inatsisartut peqqussutaanni nr. 9-mi 30. oktober 1992-imeersumi § 35 aammalu Meeqqanik inuusuttunillu ikiorsiisarneq pillugu Namminersornerullutik Oqartussat nalunaarutaanni nr. 2-mi 18. januar 1993-imeersumi § 14 aamma § 16 malillugit akit uku aalajangersarneqarput:

**Ilaqtariit nalinginnaasumik paaqqinnittut.**

meeqqamut ataatsimut, qaammammut 3.298 kr.

**Ilaqtariit nukinginnartumik paaqqinnittut.**

meeqqamut ataatsimut, ulloq unnuarlu 330 kr.

**Illersuisunut akissaatit.**

§ 8. Meeqqanik inuusuttunillu ikiorsiisarneq pillugu Inatsisartut peqqussutaanni nr. 9-mi, 30. oktober 1992-imeersumi § 15 aammalu Meeqqanik inuusuttunillu ikiorsiisarneq pillugu nalunaarummi nr. 2-mi 18. januar 1993-imeersumi § 12 malillugit illersuisoq taamatut suliaqarnerminut ima akissaateqartinneqassaaq:

Nal. ak. ataatsip tungaanut 500 kr.

Nal. ak. ataaseq sinnerlugu nal. ak. marluk tungaannut: 750 kr.

Nal. ak. marluk sinnereerlugit

akunnerup aallartinneri tamaasa 400 kr.

Pisortanik oqartussaasunik ataatsimeeqateqarnerit qassiussusaat aammalu sivilissusaat tungavigalugit akissarsiassat tunniunneqartassapput. Ataatsimiinnermi nalunaaquttap akunnerisa aallartinnerinut annertussuseritinneqartoq piareersarnermut aammalu suliareqqinnermut matussusiissutaassapput.

**Kalaallit Illuanni Hellerupimiittumi najugalinnut peqqinnissaqarfimmit tassunga innersuunneqarsimangitsunut akiliutit.**

§ 9. Kalaallit Illuanni Hellerupimiittumi najugalinnut akiliutit makku 1. januar 1995 aallarnerfigalugu atuuttussatut Peqqinnissaqarfiup aalajangersarpai:

Unnuineq, tassani tamakkiisumik nerisaqarneq, pisarialimmik paaqqutarineqarneq aammalu siunnersortimik isumaginnittumillu ikiorteqarneq ilanngullugit:

Ukiut:

0 - 2-nik ukiullit	137,50 kr.
3 - 8-nik ukiullit	275,00 kr.
9 - 12-inik ukiullit	412,50 kr.
12-inik ukioqalereersimasut	550,00 kr.

Unnuineq ullaakkorsiorneq ilanngullugu:

0 - 2-nik ukiullit	47,50 kr.
3 - 8-nik ukiullit	185,00 kr.
9 - 12-inik ukiullit	322,50 kr.
12-inik ukioqalereersimasut	460,00 kr.

Inimik attartorneq, nerisaqarneq ilanngunnagu qaammammut: 4.000,00 kr.

**Paaqqutarisariallit paaqqutarinniffimmiinnerinut il.il. akiliutit.**

§ 10. Utoqqarnik paaqqinniffiit il.il. pillugit Inatsisartut peqqussutaanni nr. 11- mi 30. oktober 1998-imeersumi § 6, imm. 2 malillugu, akit uku aalajangersarneqarput:

Inummut ataatsimut ulloq unnuarlu akiliut 917 kr.

**Kalaallit Nunaanni ulloq unnuarlu paaqqinniffinniitinneqartunut akiliut.**

§ 11. Meeqqanik inuusuttunillu ikiorsiisarneq pillugu Inatsisartut peqqussutaanni nr. 9-mi, 30. oktober 1992-imeersoq kiisalu Meeqqanut inuusuttunullu aamma inunnut annertuumik innarluutilinnut ulloq unnuarlu paaqqinniffiit il.il. pillugit Namminersornerullutik Oqartussat nalunaarutaanni nr. 64-imi, 29. december 1994-imeersumi § 36 tunngavigalugit aalajangersarneqarpoq:

Atisassarsiutissanut najoqqutassaq

Namminersornerullutik Oqartussat ulloq unnuarlu paaqqinnittarfiutaannut inissinneqarnermi: 5.109 kr.

Meeqqat inuusuttullu ulloq unnuarlu paaqqinniffinniitinnerini akiliut

Inummut ataatsimut ulloq unnuarlu: 501 kr.

Namminersornerullutik Oqartussat paaqqinnittarfiutaaniittunut kaasarfimmiorititat atissarsisutillu

Ullormut unnuamullu ataatsimut aningaasat:

0 - 15-inik ukiulinnut	36 kr.
16 - 18-inik ukiulinnut	42 kr.

Paaqqinnittarfimmi najugaqartut paaqqinnittarfimmi sulineranni aningaasarsiaritinneqartartut

Meeqqanut 16-inut inorlugit ukiulinnut, nalunaaquttap akunneranut 26 kr.

Inuusuttuaqqanut 16-inik ukiulinnut taakkunanngalu utoqqaanerusunut:  
nalunaaquttap akunneranut 28 kr.

sapaatip akunneranut 1.135 kr.

Ingiaqataannersiutit.

Paaqqinnittarfimmi sulisut paaqqinnittarfimmi najugalinnut ingiaqataatillugit sulisup isumaqatigiissutai malillugit ingiaqattaanermi akissarsiaqartitsisoqassaaq.

**Innarluutilinnut tunngatillugu akit.**

§ 12. Annertuumik innarluutillit ikiorserneqartarnerat pillugu Namminersornerullutik Oqartussat nalunaarutaanni nr. 2-mi, 25. januar 1998-imeersumi § 5, imm.2, § 13, imm. 4 aamma 5, § 18, imm. 4, § 27, § 33, § 37, imm. 1, § 40, imm. 5 aamma § 43, imm. 4 malillugit akit aningaasanullu killissarititat uku aalajangersarneqarput:

Ikiorssiissutit aningaasartaannut killiliussaq

Aningaasat tunniunneqassanngillat ukiumut ikiorssiissutit ukuninga mikineruppata 300 kr.

Nal. akunnerini tapersorsorteqarnermi kommuninut akiliuteqartittarnerat

Sulisut, SIK-p isumaqatigiissutai naapertorlugit, nal. akunneranut 78 kr.

Sulisut, P.I.P.-p isumaqatigiissutai naapertorlugit, nal. akunneranut 83 kr.

Nakkutigineqarluni najuqarfimmi pisortaq, nal. akunneranut 88 kr.

Oqilisaassinermi aningaasarsiasat

Ilaqutariinnut oqilisaassisunut aningaasarsiasat, ulloq unnuarlu 284 kr.

Nerisaqartitsinermut akiliut, ulloq unnuarlu 46 kr.

Biilinnut innarluutilinnut naleqqussarsimasunut ingerlatsinermut aningaasartuutit

Ukiumut annerpaamik 5.000 kr.

20 30 40 50 55

Allangortiterinermut pisatsersornissamullu ataasiaannartumik tapiissutit

Najugaqaqatigiiffimmi nakkutigineqarlunilu najugaqarfimmi

ininut ataatsimoorfiusartunut

50.000 kr.

Sammissassaqtitsinermi aningaasarsiassat

Nal. akunneranut

10 kr.

Nammineq angerlarsimaffimmi paaqqutarinnittunut aningaasarsiassat

Inummut annertuumik innarluutilimmut nammineq angerlarsimaffimmini najugaqartumut ulluinnarni paaqqutarineqarnissaanik isumaginnittumut

Nal. akunneranut

59 kr.

Angerlarsimaffimmi ikiorteqartitsinermi akiliutissat

§ 13. Pisortanit ikiorsiissutit pillugit Intasisartut peqqussutaanni nr. 10-mi, 1. november 1982-imeersumi kingornalu allannguuteqartinneqartumi § 20, imm. 3 malillugu angerlarsimaffimmi ikiorteqartartunut kommuni akiliuteqartitsisassaaq.

Naatsorsuinermi tunngaviusoq tassaavoq angerlarsimaffimmi ikiorteqartunut ataasiakkaanut kommunip aningaasartuutivia. Akiliutissaq ukiumi isertitaqarfiusumi akileraarfiusussami kingullermi aningaasarsiat akileraaruteqaataasussat naapertorlugit naatsorsorneqartarpoq. Akit atuuttut makkuupput:

Kisimiittunut

Aningaasarsiat akileraaruteqaataasussat imaappata

82.999 kr. ataallugit

akilerneqassapput 0%

83.000 - 99.999 kr.

akilerneqassapput 25%

100.000 - 124.999 kr.

akilerneqassapput 50%

125.000 - 149.999 kr.

akilerneqassapaat 75%

150.000 kr.-it sinnerlugillu

akilerneqassapput 100%

Aappariinnut

Aningaasarsiat akileraaruteqaataasussat imaappata

124.999 kr. ataallugit

akilerneqassapput 0%

125.000 - 159.999 kr.

akilerneqassapput 25%

160.000 - 209.999 kr.

akilerneqassapput 50%

210.000 - 259.999 kr.

akilerneqassapput 75%

260.000 kr. sinnerlugillu

akilerneqassapput 100%


Angerlarsimaffimmi ikiorserneqartartup isertitai annertuumik atavartumillu allannguuteqarsimatillugit ullumikkorpiaq isertitai naatsorsuinermi tunngavigineqassapput.

Angerlarsimaffimmi ikiorserneqartartup pilersuinissamullu pisussaataasup qitornaminik angerlarsimaffimmini paarisallip aningaasarsiai akileraaruteqaataasussat meeqqamut ataatsimut 18-it inorlugit ukjulimmut 4.000 kr.-ik ilanngaassiffigineqartassapput.

Atortuulersitsineq.

§ 14. Kaajallasitaq manna 1. juli 1999 allarnerfigalugu atortuulersinneqarpoq. Tamatumunga peqatigitillugu aningaasat isumaginninnikkut tunniunneqartartut pillugit Isumaginninnermut Suliffeqarnermullu Pisorta qarfiup kaajallaasitaa nr. 234 1.juli 1998-imeersoq atorunnaarpoq.

Isumaginninnermut Suliffeqarnermullu Pisorta qarfik, 23. juni 1999

  
Gunnar Vinge-Hansen

  
Berti Bourup